

# INUIT ATAQATIGIIT INATSISARTUNI



03 december 2021

Inatsisartut Suleriaasianni § 37 imm. 1 naapertorlugu Naalackersuisunut apequt imaattoq matumuuna saqqummiuppara.

## **Naalackersuisunut apequt:**

1. Naalackersuisut Qaanaap nunarfianut Qeqertanut pilersaarutit qanoq ingerlanersut nassuaateqarsinnaappat?
2. Naalackersuisut Qeqertani imeqarfissamut suliaq sumut killinnersoq nassuaateqarsinnaappat?
3. Naalackersuisut Qeqertani attaveqaatitigut attaveqaasersuissamaapat?
4. Naalackersuisut Qeqertanut timmisartuaqqamik angalassassisarneq ukiuni kingulerni ingerlanneqanngitsoq pilersaaruteqarfigivaat?
5. Naalackersuisut qeqertani inuttoqussuseq tunngavigalu nunaqarfittut naqissuserneqarnissaa suut aporfiuppat?

(Inatsisartuni ilaasortaq Mikivusuk Thomassen, Inuit Ataqatigiit)

## **Tunngavilersuut:**

Tunngavilersuutigaara qeqertani ukiuni kingullerni sanaartornerit ingerlanneqarnikuupput, sanaartornerilli sumut killissimanersut ilisimaneqarani innuttaasunik. Kiisalu imeqarfiliarneqartussa quli suliatut aallartsinneqarsimanngimmat suna tunngaviunersoq suliaq aallartsinneqanngineranut paaserusunnarpoq, aammalu attaveqaatitigut toqqaannartumik attaveqarsinnaanngillat taamaallaat (ridium) atorlugu attaveqartuullutik tamannalu paasisaqarfigerusuppara ukiuni aggersuni taamaaginnassanersoq.

Kiisalu angallannikkut timmisartuaqqamik tikinneqassaarnikuuvoq ukiuni kingullerni qulit sinnerlugit, tamannalu innuttaasunut pitsaanngitsumik inissisimalluni, kiisalu allakkat poortukkallu anngussinnaanngillat immakkut sikukkullu angallaneq pitsaasumik ingerlanngikkaangat.

Qulaani tunngavilersuutigineqartut ilaallugit nunarfik inerisarneqarpoq ukiuni kingullerni takorloorsinnaavara inuttussutsimikkut amerliartuaassasut tassami aalisarfissuuvoq aammalu innuttaasut namminneerlutik inerisaaqataarusummat.

Kissaatigivara apequtikka ullut suliffiusut qulit qaangiutinnginneranni akineqarnissaat.